

# **Memoria xustificativa do convenio de colaboración entre a entidade pública empresarial Augas de Galicia e o Concello de Rois para a execución da actuación "Mellora do saneamento no Concello de Rois. EDAR de Sorribas. Rois (A Coruña)", cofinanciado polo Fondo Europeo Agrícola de Desenvolvemento Rural (FEADER) no marco do Plan Estratéxico da PAC 2023-2027**

## **1. Antecedentes**

O Concello de Rois ten atribuídas competencias en materia de saneamento e depuración de augas residuais, de acordo co establecido nos artigos 25.2 c) e 86.2 da Lei 7/1985, do 2 de abril, reguladoras das bases do réxime local, nos termos establecidos na lexislación autonómica.

Neste sentido, os artigos 80.2 l) e 81 da Lei 5/1997, do 22 de xullo, reguladora da Administración local de Galicia e os artigos 5 e 27 da Lei 9/2010, do 4 de novembro, de augas de Galicia, atribúen ás entidades locais, agás que o servizo estea declarado como de interese da Comunidade Autónoma de Galicia, a competencia para a prestación do servizo de tratamento de augas residuais, así como para a elaboración de proxectos de obras e a execución das correspondentes infraestruturas que non estean declaradas de interese da Comunidade Autónoma.

A entidade pública Augas de Galicia, entidade creada pola Lei 9/2010, do 4 de novembro, de augas de Galicia e regulada polo Decreto 32/2012, do 12 de xaneiro, polo que se aproba o seu estatuto é unha entidade pública empresarial do sector público autonómico de Galicia, adscrita á Consellería de Medio Ambiente e Cambio Climático, con personalidade xurídica propia e plena capacidade de obrar para o cumprimento dos seus fins, e constitúe o medio, xunto co resto de órganos que integran a Administración hidráulica de Galicia, a través do cal a Comunidade Autónoma de Galicia exerce as súas competencias en materia de augas e obras hidráulicas.

A actuación da Comunidade Autónoma de Galicia e das entidades locais no ámbito do saneamento e depuración de augas residuais ten por finalidade contribuír á execución do bo estado ecolóxico das augas e dos ecosistemas asociados mediante o cumprimento dos obxectivos establecidos na lexislación aplicable, fomentándose a reutilización das augas depuradas cando isto sexa viable.

## **2. Obxectivos que se pretenden**

O obxecto deste convenio é establecer as condicións básicas para a colaboración entre Augas de Galicia e o Concello de Rois que permitan acometer e incorporar ao patrimonio público municipal as obras consistentes na "Mellora do saneamento no concello de Rois.



EDAR de Sorribas. Rois (A Coruña)", a súa posta en servizo, a súa explotación e a súa conservación e mantemento.

### **3. Necesidade da colaboración, razón de oportunidade, xustificación da non concorrencia e da selección da operación**

Actualmente o núcleo de Sorribas, no concello de Rois, conta cun sistema de tratamento das súas augas residuais cun deficiente funcionamento polo que é preciso a implantación dun sistema de depuración adecuado.

Preténdese con esta actuación executar unha nova rede de saneamento separativa e unha estación depuradora de augas residuais con capacidade para atender a unha poboación de 46 habitantes.

Ante esta situación, as partes consideran necesario establecer una fórmula coordinada para garantir o financiamento da citada actuación que permita mellorar o sistema de saneamento do concello de Rois e, polo tanto, mellorar da calidade das augas residuais e das condicións ambientais de esta zona.

Por outra banda, a actuación de mellora do saneamento no Concello de Rois de referencia forma parte da planificación das operacións que Augas de Galicia executará no marco do PEPAC 2023-2027. Este proxecto foi seleccionado tras un exhaustivo proceso de avaliación conforme aos requisitos establecidos no Plan Marco das actuacións, aprobado por Augas de Galicia, que contempla a súa execución a través de fondos cofinanciados polo FEADER.

A selección desta actuación tamén responde ao cumprimento dos criterios de viabilidade técnica e impacto social establecidos no marco da normativa europea e autonómica, conforme ao Regulamento (UE) nº 2021/2115 do Parlamento Europeo e do Consello, que regula a axuda aos plans estratéxicos da Política Agrícola Común (PAC) que deben elaborar os Estados membros, financiados polo FEADER. A colaboración entre Augas de Galicia e o Concello de Rois para a mellora das infraestruturas de saneamento está orientada á optimización dos recursos públicos e ao cumprimento dos obxectivos de eficiencia e sostenibilidade no ciclo integral da auga e na xestión ambiental. Este proceso de selección, enmarcado na política pública de cooperación interadministrativa, garante a correcta implementación dos fondos europeos e asegura a adecuación dos proxectos ás necesidades reais da poboación e da calidade dos servizos públicos de saneamento.

Polo exposto, estímase xustificada a utilización do instrumento do convenio para articular a colaboración de referencia, quedando o devandito convenio fóra do ámbito de aplicación da Lei 9/2017, de 8 de novembro, de contratos do sector público, de acordo co establecido no artigo 6 da antedita lei.



#### 4. Estimación de custos e financiamento

O custo total estimado da actuación de referencia contemplada neste convenio ascende a trescentos vinte e catro mil setecentos trinta e un euros con setenta e cinco céntimos (324.731,75 €), distribuídos do seguinte xeito entre as partes asinantes:

|              | <b>AUGAS DE GALICIA</b> | <b>CONCELLO DE ROIS</b> | <b>IMPORTE</b> |
|--------------|-------------------------|-------------------------|----------------|
| <b>2025</b>  | 59.942,88 €             | 14.985,72 €             | 74.928,60 €    |
| <b>2026</b>  | 199.842,52 €            | 49.960,63 €             | 249.803,15 €   |
| <b>TOTAL</b> | 259.785,40 €            | 64.946,35 €             | 324.731,75 €   |

Para financiar a súa achega Augas de Galicia prevé dispoñer de crédito suficiente e axeitado na conta 230 "Investimentos xestionados para outros entes públicos" do Plan Xeral de Contabilidade Pública de Galicia.

As citadas actuacións están baseadas no estipulado no Plan marco das actuacións enmarcadas no PEPAC 2023-2027 en Galicia e financiadas polo Fondo Europeo Agrícola de Desenvolvemento Rural (Feader) da subintervención 6872\_05- Augas. Abastecemento e saneamento, previo informe favorable da Autoridade xestión rexional; e no Plan anual de actuacións de Augas de Galicia, no que se dispón a selección de operacións de cada ano en función da valoración obtida segundo a versión vixente dos criterios de selección de operacións do PEPAC e executaranse de conformidade co estipulado no Regulamento (UE) nº 2021/2115 do Parlamento Europeo e do Consello, do 2 de decembro de 2021, polo que se establecen normas en relación coa axuda aos plans estratéxicos que deben elaborar os Estados membros no marco da política agrícola común financiada con cargo ao Fondo Europeo Agrícola de Garantía (Feaga) e ao Fondo Europeo Agrícola de Desenvolvemento Rural (Feader), e polo que se derrogan os regulamentos (UE) nº 1305/2013 e (UE) nº 1307/2013, establece as normas que regulan os obxectivos xerais e específicos que deben perseguirse coa axuda da Unión financiada no marco da política agrícola común, os tipos de intervencións e requisitos comúns para que os Estados membros persigan os ditos obxectivos, así como os plans estratéxicos da PAC que deben elaborar os Estados membros, e que establecen as metas, as condicións das intervencións e a asignación dos recursos financeiros, de conformidade cos obxectivos específicos e as necesidades recoñecidas.

A parte elixible do gasto será abonada por Augas de Galicia e cofinanciarase pola Unión Europea, pola Xunta de Galicia e polo Ministerio de Agricultura, Pesca e Alimentación do seguinte xeito:



- Pola Unión Europea a través do Fondo Europeo Agrícola de Desenvolvemento Rural (FEADER), nun 60%, no marco da intervención 6872\_Investmentos en servizos básicos en zonas rurais, do Plan Estratégico da PAC 2023- 2027 (Subintervención 6872\_05 Augas. Abastecemento e saneamento).
- Pola Xunta de Galicia nun 28 %.
- Polo Ministerio de Agricultura, Pesca e Alimentación nun 12%.

Consonte ao disposto no artigo 48.3 da Lei 40/2015, de 1 de outubro, de réxime xurídico do sector público o convenio contribúe a mellorar a eficiencia da xestión pública, a facilitar a utilización conxunta de medios e servizos públicos e á realización de actividades de utilidade pública.

Santiago de Compostela, na data da sinatura electrónica  
O director de Augas de Galicia  
Roi Fernández Añón

